

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
KANTONALNI SUD U ZENICI  
Broj: 004-0-SuDp-26-000942  
Zenica, 10.08.2026.godine

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu preporuke Komisije za javne nabavke imenovane rješenjem broj: 004-0-SuDp-26-000491 od 15.04.2026. godine po provedenom postupku javne nabavke audio video opreme za sudnicu putem otvorenog postupka, predsjednica Kantonalnog suda u Zenici donosi

**ODLUKU**  
o izboru najpovoljnijeg ponuđača

**Član 1.**

Prihvata se Preporuka Komisije za javne nabavke, te se Ugovor za javnu nabavku isporuku i montažu audio video opreme za sudnicu, dodjeljuje ponuđaču „AUDIO VIDEO CONSULTING“ d.o.o. Sarajevo za ponudu broj: T-045-08-2026 od 05.08.2026.godine, za ponuđenu cijenu od 99.962,00 KM bez PDV-a kao najpovoljnijem ponuđaču.

**Član 2.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 3.**

Ova odluka objavit će se na web-stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ugovor o nabavci Ugovorni organ će potpisati i dostaviti na potpis izabranom ponuđaču nakon isteka roka od 10 dana od dana prijema Odluke o izboru najpovoljnijeg ponuđača od strane svih ponuđača.

**Član 5.**

Ova odluka stupa na snagu danom donošenja.

**Obrazloženje**

Postupak javne nabavke audio video opreme za sudnicu pokrenut je Odlukom o pokretanju postupka javne nabavke broj: 004-0-SuFin-26-000097 od 15.04.2026. godine. Postupak javne nabavke je proveden putem otvorenog postupka za koji je objavljeno obavještenje o nabavci broj: 2885-1-1-99-3-11/26 dana 17.07.2026. godine na Portalu javnih nabavki.

Postupak nabavke provela je Komisija za javne nabavke imenovana rješenjem broj: 004-0-SuDp-26-000491 od 15.04.2026. godine. Komisija za javne nabavke je dostavila predsjednici suda Zapisnik o pregledu i ocjeni ponuda za nabavku audio video opreme za sudnicu sa preporukom o izboru najpovoljnijeg ponuđača od 06.08.2026.godine.

Komisija za javne nabavke je navela da je blagovremeno i pravilno izvršila otvaranje, pregled i ocjenu kvalifikovanosti prispjelih ponuda u skladu sa kriterijima iz tenderske dokumentacije, o čemu je sačinila odgovarajuće zapisnike u kojima je utvrđeno da je u predmetnom postupku zaprimljena jedna ponude:

| R.B | Naziv ponuđača                         |
|-----|----------------------------------------|
| 1.  | AUDIO VIDEO CONSULTING d.o.o. Sarajevo |

Komisija za javne nabavke je sačinila tabelu za ocjenu kvalifikacionih uslova ponude, kako bi ocijenila usklađenost dostavljene ponude sa kvalifikacionim uslovima tenderske dokumentacije,

Tokom kvalifikacionog postupka utvrđeno je da ponuda ponuđača "AUDIO VIDEO CONSULTING" d.o.o. Sarajevo ispunjava sve kvalifikacione uslove što je konstatovano u tabelarnom prikazu za ocjenu kvalifikacionih uslova ponude na zapisniku o pregledu i ocjeni ponuda broj: 004-0-SuDp-26-000582 od 06.08.2026.godine, te da je isti dostavio prihvatljivu ponudu.

U ovom postupku nabavke planirano je provođenje e-aukcije, međutim kako je Komisija konstatovala da je zaprimljena jedna ponuda ponuđača "AUDIO VIDEO CONSULTING" d.o.o. Sarajevo, to nisu ispunjeni uslovi za provođenje e aukcije.

Član 4. stav (2) Pravilnika o uslovima i načinu korištenja e aukcije („Službeni glasnik BiH broj: 80/23) propisuje da u slučaju prijema jedne prihvatljive ponude e-aukcija se ne zakazuje.

Slijedom navedenog Komisija za javne nabavke je predložila okončanje postupka javne nabavke shodno članu 69. stav 1. tačka a) Zakona o javnim nabavkama sa ponuđačem koji je dostavio kvalifikovanu i prihvatljivu ponudu.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.


Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, te je odlučeno kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove odluke.

Dostaviti:

"Audio Video Consulting" d.o.o. Sarajevo, [avc.info@avc.ba](mailto:avc.info@avc.ba)

[www.ksud-zenica.pravosudje.ba](http://www.ksud-zenica.pravosudje.ba)



Predsjednica Suda

Snježana Čolaković